



RESOLUCIÓN DA DIRECCIÓN XERAL DE CALIDADE AMBIENTAL E CAMBIO CLIMÁTICO POLA QUE SE MODIFICA A AUTORIZACIÓN AMBIENTAL INTEGRADA CO NÚM. 2006/0343_NAA/IPPC_123

Instalación: planta para elaboración de tensioactivos e química fina	Modificación non substancial da autorización ambiental integrada
Titular: Arteixo Química, SLU	Expediente: 2019-IPPC-M-194
Localización: concello de Arteixo (A Coruña)	

ANTECEDENTES

1 Arteixo Química, SLU é titular da planta para elaboración de tensioactivos e química fina que dispón da autorización ambiental integrada co número de rexistro 2006/0343_NAA/IPPC_123.

2 O 15.10.2019 Arteixo Química, SLU comunicou a súa intención de executar unha modificación na dita instalación que consiste en instalar unha arrefriadora de maior capacidade e un novo almacén APQ para produtos peróxidos, por requirimentos de clientes que solicitan dispor de produto almacenado en fábrica. Cualifican esta modificación como non substancial a efectos da autorización ambiental integrada.

CONSIDERACIÓNS LEGAIS E TÉCNICAS

1 A instalación está incluída no anexo I, categoría 4.1.k, do Real decreto lexislativo 1/2016, do 16 de decembro, polo que se aproba o texto refundido da Lei de prevención e control integrados da contaminación (BOE núm. 316 do 31.12.2016).

2 O artigo 10 do Real decreto lexislativo 1/2016, do 16 de decembro, polo que se aproba o texto refundido da Lei de prevención e control integrados da contaminación (BOE núm. 316 do 31.12.2016) recolle a posibilidade de modificación da autorización ambiental integrada como consecuencia dunha modificación non substancial da instalación.

3 A Dirección Xeral de Calidade Ambiental e Cambio Climático é o órgano competente para a tramitación e o seguimento das actuacións derivadas das autorizacións ambientais integradas e da calidade dos solos, segundo o establecido no Decreto 42/2019, do 28 de marzo, polo que se establece a estrutura orgánica da Consellería de Medio Ambiente, Territorio e Vivenda (DOG núm. 79 do 25.04.2019).

De acordo con todo o indicado, RESOLVO

Modificar a autorización ambiental integrada 2006/0343_NAA/IPPC_123 para incluír a nova arrefriadora e o novo almacén para produtos peróxidos.

A autorización ambiental outórgase sen prexuízo de terceiros e sen prexuízo das demais autorizacións e licenzas que sexan esixibles polo ordenamento xurídico vixente.

Esta resolución notificarase e publicarase no DOG na forma prevista no artigo 10.2 do Real decreto lexislativo 1/2016, do 16 de decembro, polo que se aproba o texto refundido da Lei de prevención e control integrados da contaminación (BOE núm. 316 do 31.12.2016).





XUNTA DE GALICIA
CONSELLERÍA DE MEDIO
AMBIENTE, TERRITORIO E
VIVENDA

Dirección Xeral de Calidade Ambiental e Cambio Climático

San Lázaro s/n
15781 Santiago de Compostela



Contra esta resolución, que non pon fin á vía administrativa, poderase interpoñer, no prazo dun mes, recurso de alzada ante a conselleira de Medio Ambiente, Territorio e Vivenda, de conformidade co disposto no artigo 121 da Lei 39/2015, do 1 de outubro, do procedemento administrativo común das administracións públicas (BOE núm. 236 do 02.10.2015).

En Santiago de Compostela, na data e hora da sinatura dixital

Juan Manuel Camiño Soto

O xefe do Servizo de Prevención e Control
Integrados da Contaminación

RESOLVO:

María Cruz Ferreira Costa

A directora xeral de Calidade Ambiental
e Cambio Climático



Xacobeo 2021

